

Gobernador Refunjol a entrega 'Maletin di Tesoro' na Colegio Sagrado Curason



ORANJESTAD - Riba e main-
ta di dia 16 di februari 2012
durante un ceremonia pro-
tocolar S.E. Gobernador
Sr. Fredi Refunjol, Sra. Lilith
Rasmijn y Srta. Jennifer Lar-
monie ta topa na Colegio
Sagrado Curason na Sava-
neta na ocasion di entrega
oficial di e 'Maletin di Teso-
ro'.
Coincidencia ta cu S.E.
Gobernador Sr. Refunjol ta
ex-alumno y ex-cabesante
di Colegio Sagrado Cu-
rason, Sra. Lilith Rasmijn ta
ex-alumno y actual cabe-
sante y Srta. Jennifer Lar-
monie ta ex-alumno y ac-
tual estudiante na IPA.
S.E. Gobernador den su dis-

curso a splica e historia di
Colegio Sagrado Curason
y bisindario na e grupo
grandi di alumno.
Awe dicho school ta e scol
basico mas grandi na Aru-
ba cu no menos cu 18 klas!
Despues cu bandera a
wordo hisa, himno a ser
canta pa e alumnonan di
Sagrado Curason y pal-
abra di bonbini door di e
cabesante Sra. Rasmijn,
S.E. Gobernador cu hopi
placer a entrega e 'Maletin
di Tesoro', na Sra. Rasmijn y
alumno William Arismendi.
Sra. Rasmijn a ricibi e Ma-
letin y ta gradici S.E. Gober-
nador, caminda el a ex-
presa: "Cu Colegio Sagra-

do Curason ta hopi honra
y sumamente contento cu
bishita di Su Excelencia".
Na su turno Presidente di
Comision Celebracion 25
año Status Aparte, Sra. Al-
lice van Romondt, a gradici
S.E. Gobernador Refunjol
pa su presencia y su tempo
dedica na su school di an-
tes y p' a comparti un tiki di
e historia di e school y di e
bario na e alumno- y mae-
stronan presente.
E 'Maletin di Tesoro' ta for-
ma parti di e recuerdo di
Celebracion di 25 año di
Status Aparte y cu Comis-
ion ta spera cu e school-
nan basico lo sa di haci e
maximo uzo di e contenido



valioso! Tambe Sra. Van Ro-
mondt a laga sa cu e Ma-
letin lo wordo duna tambe
na diferente instancia den
nos comunidad.
Cu e proyecto aki Comis-
ion Celebracion 25 año
Status Aparte y Gobierno
ta spera cu e Maletin sirbi
na yena e muchila di sa-
biduria y conocimiento di
cada mucha y hoben y
aporta na e balor y amor
pa nos simbolonan nacio-
nal, manera nos moneda,
nos formacion estatal, nos
idioma Papiamentu, y nos
Himno y Bandera.
E proyecto aki a sali for di

un deseo y idea di Sra. Al-
lice Van Romondt, presi-
dente di Comision cu lo ta
na bienestar di e alumnon-
an den realisacion cu nan
mes ta e berdadero tesoro
di nos pais Aruba.

Poesia:
Mucha dushi, abo sa?
Tesoro precioso di Aruba
bo ta!
Sigui carga nos bandera
Abo ta futuro di nos Dushi
Tera
No tin duda, sigur bo por!
Djis duna Aruba bo ...
AMOR..
Sra. Gina Ramirez. □